



INFORMASHON

Fecha
29 di ougùstùs 2017

Accountmanager di Komunikashon
Jhanirha Da Costa Gomez

Email
jhanirha.anita@gobiernu.cw

Pèrmit pa Vürwèrk

Servisio pa Obra Públiko ta e organisashon di Gobièrnu di Kòrsou ku ta duna pèrmit pa vürwèrk.

Tur fin di aña, importadónan di vürwèrk ta trese kònteinernan di vürwèrk pa bende riba e último 4 dianan di aña. Pa esaki sosodé na un manera responsabel, e importadó mester di un pèrmit di gobièrnu den kual ta stipulá reglanan di uso, benta, almasenahe i seguridat.

For di 10.10.10, pèrmit pa vürwèrk ta wòrdu otorgá dor di Minister di Hustisia, i Servisio pa Obra Públiko ta prepará tur dokumento nesesario.

E pèrmit aki ta nesesario pa tur detaye relashoná ku vürwèrk sosodé na un manera organisá i pa por seguridat. Den e pèrmit ta regla entre otro kiko tin mag di tira, na unda por tira, durante kua periodo por tira, kon ta warda vürwèrk, kon ta transportá vürwèrk

Pa bini na remarke pa un pèrmit di vürwèrk, mester yena un formulario na Servisio pa Obra Públiko. E formulario aki mester tin un stampia riba dje ku ta kosta Naf 40,-. Ora e formulario wòrdu yena, Servisio pa Obra Públiko ta mand'é pa Brantwer pa nan kontrolá si e sitio kaminda ke warda i bende vürwèrk ta sigur.

Si e petishon no ta kumpli ku tur e aspektonan nesesario, Minister di Hustisia por nenga di duna e pèrmit.

Pa mas informashon tokante pèrmit pa vürwèrk, por tuma kontakto ku Servisio pa Obra Públiko na number di telefon xxx-xxxx òf via di email info.vvvp@gobiernu.cw.